

Ptače stawiznički – dypornak

Zawěsće sće hižo dypornaka, kiž je někak tak wulki kaž kós, widźeli a jeho při dźěle na starych štomach wobkedźbowali. Wón ma někotrych přiwuznych, kotrychž móžeće tež pola nas widzieć. Jedyn z nich je mały dypornak abo „džećelc“, kiž njeje wjetši hač wrobl. A jeli wuhladaće w trawniku tajke kulowate dźěrki, potom je tam najskerje žołma za picu pytała. Tutón zajimawy ptak rěka němsce Grünspecht, je trochu wjetši hač naš „normalny“ dypornak. Ze swojim dołhim pyskom toči žołma do mrowjacych hnězdow a wučehnje ze swojim dołhim, lěpjatym jazykom mrowje a mrowjace jejka. Žołma ma swojorazny hłós, Jeje wołanje je podobne na smjeće čłowjeka. A najwjetši z našich dypornakow je čorný dypornak abo čorna žołma, kiž je hač na swoju čerwjenu kapičku woprawdže dospołnje čorný. Haj, naši dźědojo a wowki njejsu jenož ptački, ale tež jich rjane serbske mjena znali!